

Канон святыя мченицы Параскевы Пятницы.

ГЛАС 4.

ПЕСНЬ 1

Ирмос: *Отверзу уста моя, / и наполнятся Духа, / и слово отрыгну Царице Матери, / и явлюся, светло торжествуя, / и воспою, радуясь, Тя чудеса.*

Светом Божественным осветившись свыше, / мрак отжени неразумия моего / и подаждь ми молитвами твоими, Параскево, благодать, / воспевати твоих, мученице, чудес множества.

Солнца светлейши, яко истинно возсияла еси утро, / утверждение Церкви бывши Христовы, / озарила еси лучами подвигов, мученице Параскево, / твоими чудесы мира концы.

Жениха, Безсмертнаго Христа, возлюбивши, / яко верую Того страсти общница показала еси / и восприяла еси вечное Царство / и венец нетленный, мученице Параскево славная.

Богородичен:

Дево Всенепорочная, Христа родившая, / и Сего в ложеснах понесла еси, истинноименитая, / разреши мрак души моея и просвети мя, да пою Тя.

ИН КАНОН. ГЛАС 8.

ПЕСНЬ 1

Ирмос: *Поим Господеви, / проведшему люди Своя сквозе Черное море, / яко Един славно прославися.*

Поим Господеви, / прославльшему память мученицы, / и приводящу земныя лики к похвалению днесь.

Славу презрела еси, о богатстве нерадивши, / честная мученице Параскево, / на страсть себе вдала еси.

Возжела Владыка / твоея доброты, мученице, / в Небесный чертог всели тя.

Богородичен:

Род Адамов / паче ума блаженства Тобою рай отверст обрешет, Богородице, / достойно хвалим Тя.

ПЕСНЬ 3

Ирмос: *Лук сильных изнеможе, / и немощствующии препоясашася силою: / сего ради утвердися в Господе сердце мое.*

Палицами немилостивно биема, радовашеся, листом сокрушаемым и костем вкупе, / приснопамятная мученица Параскева, вопиющи: / ничтоже мя разлучит от любви Твоея, Христе.

Уста нечестивых, глаголющая беззаконие на преподобнаго, / и язык велеречив заградися, / мученица Параскева вопиаше, Спаса проповедающи.

Кровей твоих кропления безбожия огонь погасила еси, / многострадальная мученице Параскево, / и верных разумы просветила еси.

Богородичен:

Глаголы благочестивно исполняются Исаиины: / Дева бо родила есть во плоти Жизнодавца Христа, / Спаса душ наших.

ИН

Ирмос: Ты еси утверждение/ притекающих к Тебе, Господи,/ Ты еси свет омрачѣнных,/ и поет Тя дух мой.

Ты еси утверждение мое, Господи, глаголаше мученица,/ Ты же и заступление,/ и к Тебе прибегох, Царю мира.

Явилася еси на судиши, мужеумну душу имущи,/ и врага, яко нехрабра суща,/ победила еси, всехвальная.

Души моя зѣницы исцели,/ всехвальная мученице, молитвами твоими/ и ум мой управи.

Богородичен:

Подаждь нам помощь/ молитвами Твоими, Пречистая,/ советы отрѣвляющи лютых обстояний.

СЕДАЛЕН, ГЛАС 8.

Подобен: Премудрости:

Кровей твоих струями, мученице Христова,/ потоки нечестия изсушивши, всехвальная Параскѣво,/ одождѣнием же благодати словесныя напаяеши бразды,/ в нихже прозябаеши клас веры./ К сему же, славная, и по смерти явилася еси, точащи жизнь мучения ради,/ страстотерпице всехвальная./ Моли Христа Бога даровати душам нашим велию милость.

СЛАВА, ДРУГИЙ СЕДАЛЕН, ГЛАС 4.

Подобен: Скоро предварі:

Постом украсивши чистоту душевную,/ лучами страдания просвещаеши верныя,/ мученице многострадальная Параскѣво./ Тем твой святой и светносный день/ верою совершающе, благочестно вопием:/ яко имея дерзновение ко Господу, моли спастися нам.

И НЫНЕ, БОГОРОДИЧЕН:

Обновила еси, Чистая, Божественным Рождеством Твоим/ истлѣвшее во страстѣх земнородных мѣртвенное существо/ и воздвигла еси вся от смерти к жизни нетления./ Темже Тя по долгу блажим вси, Дево Препрославленная,/ якоже прорекла еси.

КРЕСТОБОГОРОДИЧЕН:

На Крестѣ Тя возвышена яко узрѣ Пречистая Мати Твоя, Слове Божий,/ матерски рыдаючи, вещаше:/ что новое и странное сие чудо, Сыне Мой,/ како, Жизнь всех, вкушаеши смерть,/ оживити мертвыя хотя, яко Милосерд.

ПЕСНЬ 4

Ирмос: Седяй в славе на Престоле Божества/ во облаце легце,/ прииде Иисус Пребожественный/ нетленною дланию и спасе зовущия:/ слава, Христе, силе Твоей.

Уязвившись любовью Христовою,/ ополчения мучительская крепостию твоею умертвила еси,/ благодать источаеши присноживотную:/ страстей ради мздовоздаяние, восприяла еси, Параскѣво,/ мучениц Христовых доброта.

Превозшедши вся лобовию Христа, Жениха твоего,/ плотскую

любовь возненавидевши,/ крепко болезненная страдания претерпела еси, мученице Параскёво, вопиющи:/ не разлучи мене, Христе, от желанія/ Твоего мучения подвиг совершити.

Отвёргнуши мира суету всю,/ Богу Единому прилепилася еси, Параскёво мученице,/ и болезни страдания претерпевши,/ невесто Божия, мужеумная.

Богородичен:

Сниде, яко дождь на руно, во утробу Твою Господь,/ якоже рече древле пророк, Всенепорочная,/ Егоже во двух Существах родила еси,/ Емуже взываем:/ слава силе Твоей, Господи.

И Н

Ирмос: *Услышах, Господи,/ смотрения Твоего таинство,/ разумех дела Твоя,/ и прославих Твое Божество.*

Услышавши, Господи,/ мученица Параскёва заповеди Евангельския,/ прослави Твое Божество.

Не принесла еси отнюд жертвы демоном мерзским,/ жертву живу себе Господу вдала еси.

Крепко на судищи ставши, вопияше мученица:/ со Христом, Женихом моим, распнуса/ и возцарствую с Ним.

Богородичен:

Очищение наших даруй согрешений, яко Безгрешен,/ и умири люди Твоя, яко Благ,/ молитвами Рождшия Тя.

ПЕСНЬ 5

Ирмос: *Ты, Господи, мой свет/ в мир пришел еси,/ Свет Святыи, обращаи из мрачна неведения/ верою воспевающия Тя.*

Свет незаходимый вселися в души твоей,/ да добродетелию сияеши,/ озаряя тебе непрестанно славыя.

Струю, мученице Параскёво, нечестивого безбожия изсушила еси:/ течению кровными, неправедно проливаемыми,/ огонь прелести погасила еси.

Ум имущи прозрачен, пророческаго дара сподобилася еси,/ хотящая быти всем яве предглагола еси,/ Параскёво многострадальная.

Богородичен:

Мати Божия, души моя злобу исцели,/ родившая Бога Слова неизреченно./ Сего ради вси роди блажат Тя.

И Н

Ирмос: *Утренююще, вопием Ти,/ Господи, спаси ны:/ Ты бо еси Бог наш,/ разве Тебе, иного не вемы.*

Утренюющи, мученица вопияше Параскёва:/ ничтоже мя разлучит любви Христовы.

Божественную мученицу мнев ослабети,/ смех сам явися пронирливый.

Просвещение подаждь мне, всехвальная,/ и многомятежный мой ум просвети/ молитвами твоими.

Богородичен:

Низложи непрестающую бурю страстей,/ Христа Рождшая,/ кормчию и Господа.

ПЕСНЬ 6

Ирмос: *Пожру Ти со гла́сом хвалéния, Господи, / Церковь вопиéт Ти, / от бесóвския крóве очи́шися, / ради милости от ребр Твоих / истекшею Кровию.*

Возсиявши из Рíма, / яко солнце светлое, святая мученице, / мрак дéмонский от человек отгоняющи мольбами твоими, / Параскéво многострадальная.

Исцеления приéмлют приходя́щи прикосновением к ра́це мощéй твоих, / кровоточивии и прокажéннии очищаются, / отбегают дéмонския полки́, / призыванием святаго твоего имени.

Утревенала еси ко Христу, невечернему Солнцу, / и Того светлостьми́ дúшу, Богомудрая, / и сердце озарила еси, Параскéво честна́я, / и к Свету Троическому, радуясь, прешла́ еси.

Богородичен:

Исцели души́ моея́ страсти, Всенепорочная, / безстрастия рождшая Источник, / и отжени́ томительство, / непрестанно смуща́ющее сердце мое.

ИН

Ирмос: *Рíзу мне пода́ждь свéтлу, / одея́йся светом, яко рíзою, / Многомилостиве Христе Боже наш.*

Рíзою мя с Небесé приодéй, Господи, вопияше Параскева, / Иже óблаки небеса́ одева́й, Многомилостиве.

Якоже из рóва Дани́ла услы́ша Господь, / тако и тебе, в темни́це молящейся, исцеление подавает.

Мучи́телеву гордость низложи́ла еси, / сама же, невредима пребывши, / на му́ку дерзну́ла еси.

Богородичен:

Слово Божие Тя земным показа́ Небесную лествицу: / Тобою бо к нам сни́де.

КОНДАК, ГЛАС 3.

Подобен: Дева днесь:

Всесвятóе и непорóчное мучéние принéши, / яко véно пречестнóе, безсмéртному Жениху́ Христу́, / Ангельское ликостоя́ние возвесели́ла еси / и победи́ла еси дéмонския кóзни. / Сего́ ради ты чéстно véрою чтим, / мученице Параскéво многострадальная.

ИКОС:

Кто изглаголет силы Господня; / или кто пове́сть страдания твоя и добродетели, мученице; / или кий язык воспети возможет по достоинству. / Темже и аз, недостойный, воспéти покушаюся, / хвалити же и славити Владыку Жизнодавца, / давшаго тебе на трéзнице крепость / мучителей не убояться, исповедающей Истиннаго Бога. / Сего ради ты чтим верою и любовью, / мученице Параскéво многострадальная.

ПЕСНЬ 7

Ирмос: *Спасы́й во огни́ Авраáмския Твоя óтроки, / и халдéи убив, / яже правда пра́ведно уловляше, / препетый Господи, / Боже отец наших, благословен еси.*

Голуби́це, кри́ла иму́щи злата́я и оружием храни́ма

крестным,/ агаряны же, в ноши граду твоему приближившиися,
отгнала еси,/ спаси верныя от убийства, мученице Параскёво,
поющия:/ препетый отец наших Боже, благословен еси.

Многообразныя болезни претерпевши Христа ради, мученице
Параскёво,/ неболезненный у Него обрела еси покой/ и,
радующися, взываеши:/ препетый отец наших Боже, благословен
еси.

Коль непобедим твой разум, Параскёво честная,/ яко от
начальников лика мучителей мук не убоялася еси./ С нимиже
бравшися, скончалася еси яко служительница тайны Божественныя
славы, поющи:/ препетый отец наших Боже, благословен еси.

Богородичен:

Благословен Плод благословеннаго Твоего чрева,/ Егоже
благословят Небесныя Силы и человечестии собори восхваляют,/
нас избавльшаго клятвы древния, Благословенная, поющих:/
препетый отец наших Боже, благословен еси.

И Н

Ирмос: *От Иудей дошедше отроцы,/ в Вавилоне иногда/ верою
Троицкою пламень пещный попраша, поюще:/ отцев Боже, благословен еси.*

Явшася паче ума чудеса Божественныя мученицы,/ во
юнотстве девства победи мучителя, зовущи:/ отец наших Боже,
благословен еси.

Блудящих заградила еси богомерзская уста,/ среди судища
ставши, Бога исповедала еси, взывающи:/ отец наших Боже,
благословен еси.

Забывши женскую немощь,/ мужественно укрепившиися
терпением,/ страждущи, вопияла еси:/ отец наших Боже,
благословен еси.

Богородичен:

Из Девическу боку воплощся,/ явился еси на спасение наше./
Тем Твою Матерь вѣдуще Богородицу,/ благодарно взываем:/ отец
наших Боже, благословен еси.

ПЕСНЬ 8

Ирмос: *Отроки благочестивыя в пещи/ Рождество Богородичо спасло
есть,/ тогда убо образуемое,/ ныне же действующее,/ вселенную всю воздвизает
пѣти Тебе:/ Господа пойте дела/ и превозносите Его во вся веки.*

Божественными светлостыми Солнца мысленнаго
просветившиися,/ мученице всехвальная Параскёво,/ ночь претекла
еси безбожия, поющи единомыслием души:/ Господа воспевайте
дела и превозносите Его во веки.

Яко агница, яко нескверная юница,/ яко Божественная
голубица, яко самовольное зачатие,/ привелася еси, мученице
Параскёво, Зиждигелю твоему/ и, яко жертва непорочна,
принеслася еси, согласно поющи:/ Господа пойте дела и
превозносите Его во веки.

Светлу себе от кровей ризу мучением обложила еси,/
Параскёво, добляя мученице,/ совлѣкшиися истинно тленнаго со
грехи человека, радостно воспевающи:/ Господа пойте дела и
превозносите Его во веки.

Богородичен:

Во след Тебе текóша жены, мира сладковóннаго вéдуще, Всечистая Богоневесто,/ Едина Неискусобращная,/ из утрóбы Твоя возсиявшаго Единороднаго Сына, Христа Бога,/ и с Тобою царствуют истинно, песнословаще Его во веки.

И Н

Ирмос: *Царя Небеснаго, Егоже поют вóи Ангельстии,/ хвалíte и превозносíte во вся веки.*

Царя Христа Бога,/ Егоже исповéда дева мученица Параскéва,/ воспеваючи: хвалите и превозносите Его во веки.

За любовь Божественныя Троицы/ огонь безбожия погасила еси, вопиючи:/ превозносите Христа во веки.

Пóдвиги, иже к Богу,/ тьмы начальника низложила еси, поючи:/ превозносите Христа во веки.

Богородичен:

Протívных прилóга на ны угасí и́скры, Дево,/ яко да поем Господа и превозно́сим Его во веки.

ПЕСНЬ 9

Ирмос: *Всяк земнорóдный/ да възграется, Духом просвещаем,/ да торжествует же Безплотных умóв естество,/ почитающее священное торжество Богоматере,/ и да вопиет:/ радуйся, Всеблаженная/ Богородице, Чистая Приснодево.*

В Небесный чертог всéльшися, дево Параскéво всечестна́я,/ и невидимых доброт разумно насладившися,/ восприймши неизреченную светлость,/ просветí поющия и величающия тя.

Венец восприяла еси на главé твоей, Параскéво доблеумная,/ яко скончавши течение и сохранивши веру непоколебиму,/ праведных чíни радостно тя прияша./ Тем ныне ублажаем тя.

Подаéши исцелений капли требующим, яко от источника,/ всебогатая мученице Параскéво,/ уставляючи то́ки недúгов и страстéй отгонящи зной,/ сердца́ благочестивых напаяючи ко благоплодию Божественных деяний.

Богородичен:

Мудрости Вместилище, паче умá лучшаго, явилася еси,/ Отроковице Всенепорочная,/ одушевлén же престол и дверь./ Тем яко Царицу Тя возлюбльше, девы во след Тебе приведóшася, Богоотроковице.

И Н

Ирмос: *Воистинну Богородицу/ Тя исповедуем,/ спасении тобою, Дево чистая,/ с Безплотными ли́ки Тя величающе.*

Воистинну тезоименíта назва́лася еси, Параскéво,/ подóбящися страстém Христовым,/ с Небесными вóинствы лику́ючи.

Постигла еси конец мучения/ многими страстьми́ и болéзнями твоими,/ со Ангелы Христа сла́вяти на Небесех, всечестная.

Дерзновение имúщи ко Спасу и Владыце,/ моли за поющия твою память,/ мученице славная Параскéво.

Богородичен:

Пéсньми Тя поем, Богоблагодатная,/ и немóлно Тебе, радуйся, прино́сим,/ Ты бо источíла еси всем нам веселие.

Печатается по изданию: Минея. Октябрь, часть 2. Издание Московского Патриархата, М.: 1980